

Februari 11, 2019

www.awemainta.com

www.facebook.com/awemainta

noticia@awemainta.com

583-1400



AWEMainta

15
año

Lady Ambiance y T-Money Monarcanan Musical di Carnaval



DESPUES di un anochi largo yena di cancionnan (produccionnan local) cu tokenan colorido, Aruba a cera conoci cu su Monarcanan den Soca y Caiso. E resultado a bira conoci diadomingo den oranan di mainta. Lady Ambiance a bira Caiso Queen y T-Money a bay cu e corona di Soca King, pa di dos biaha.

E ta un resultado cu a caay na agrado di e publico presente e momento ey ainda den Carnival Village.

E resultado completo tabata:

*Best dress band : Buleria;

*Best dressed singer: Mighty Talent

CAISO

Na di 5 lug: Mighty Talent;

4to lug: Galloway;

3er lug: Blacky;

2do lug Dr. Hook y Caiso Queen Lady Ambiance a bay cu e titulo.

Den categoria di Soca:

na di 5 lug: Diamond Chip;

4to lug Claudy;

3er lug Galloway;

2do lug Lady Ambiance y Soca Soca King T-Money.

Pabien na e ganado- y finalistanan.

= exact

Solutions for Finance, Manufacturing,
Wholesale Distribution, Professional
Services, HRM, CRM and BPM

Business Processes

Marketing, Sales and Service
Logistics & Supply Chain Management
Reporting & Compliance
Planning & Production
Finance & Accounting
Project Management

Supporting all

your business activities

Our goal is to understand and anticipate your business
requirements. It means that everything we do is
geared towards equipping you with solutions that
will help you succeed as markets evolve

VCC
International NV

Exact. And it all comes together. Tel: 583-7072 | info@vcc.int.com | www.vcc-int.com

Pa awo

Hogeschool Rotterdam no ta interesa den studiantenan di Caribe Hulandes



MIRANDO cu apenas un kwart di e studiantenan di aki banda ta logra nan diploma na Hogeschool Rotterdam, a dicidi cu nan ta stop cu “werving” di studiantenan den e area aki di Reino Hulandes.

E articulo aki a keda publica den prensa Hulandes, unda ta wordo bisa cu masha poco estudiante Antiano ta logra nan diploma; nan haya hopi problema den banki di estudiante di college, cu Hogeschool di Rotterdam a dicidi di interveni. Nan ta stop di busca estudiante den Caribe te ora cu Minister Ingrid van Engelshoven (di Enseñansa) traha riba un solucion pa esaki.

Ron Bormans kier pa e situacion pa e studiantenan Antiano mehora p’asina nan por wordo invita atrobe pa studia na Rotterdam.

Tur aña rond di cinco hoben ta bini for di area di Caribe Hulandes pa Hulanda pa sigui cu nan estudionan, y di esaki ma so menos 200 ta yega na Hogeschool Rotterdam. Nan soñonan ta grandi, pero nan exito chikito. Treskwart di nan no ta yega final y esey ta nifica: ningun diploma, un ilusion mas pover y un debe grandi di estudio.

E directiva Ron Bormans di Hogeschool Rotterdam no por para mira esaki mas. E studiantenan ainda ta bonbini, pero ta stop cu e reclutamento na e islanan Hulandes. Nan lo no bay ta presente mas na e mercadonan di estudio den exterior. Nan colaboradornan no ta duna informacion mas na Aruba, Corsou, Sint Maarten y Boneiro. “E no ta bon pa laga e studiantenan bini aki si nos sa di adelanta cu e posibilidad pa haya un diploma ta chikito,” e ta bisa.

Segun Bormans, e problema ta varios. Hopi hoben Antiano no tin Hulandes pero Papiamento como nan prome idioma. E cultura tambe ta diferente, y no menos pasobra studiantenan Hulandes ta anda di un forma menos formal cu docentenan. “Tin un falta di calor, literalmente, di e calides di cas. Tambe tin estudiante cu tin problema di prehuicio y ta sinti cu nan no ta wordo comprondi.” E fracaso di e studiantenan ta problematico. Esaki pasobra e debe di estudio cu un salario den Caribe casi no por wordo paga y mayoria di esnan cu no logra un diploma ta keda Hulanda. Mientras cu na Hulanda e chensnan pa un trabou cu bon pago ta chikito si bo no tin diploma, cual ta conduci na desempleo. Y mientrastanto, e islanan ta perde nan hobennan inteligente.

Les di idioma

E ultimo añanan Hogeschool Rotterdam a trata di mehora e posibilidadnan di exito den estudio pa e Antianonan. Prome cu inscripcion ta tuma luga un combersacion cu un asina yama “loopbaancoach” cu ta duna nan un splicacion di e nificacion di studiamente na Hulanda, despues ta sigui un trayecto di preparacion riba e diferencianan cultural, habilidandon di estudio y con pa anda cu placa. Y tambe tin les di idioma. Pero, esey no ta suficiente, Bormans ta conclui. Despues di 5 aña di estudio, apenas un di 10 estudiante Antiano ta gradua.

Mester mas tempo pa aclimatisa

P’esey nan a pidi Minister di Enseñansa Ingrid van Engelshoven pa ayudo. Bormans ta spera cu e mandatario den consulta cu e islanan, obliga e studiantenan vulnerabel di Caribe pa sigui un asina yama “instroomprogramma”, prome cu nan cuminsa cu nan estdio na Hulanda. “Mi ta na favor pa duna e hobennan talentoso mas tempo pa aclimatisa, e espacio pa siña e idioma y nan habilidad di estudio, descubri e cultura ... Lo ta bunita si nan por yega na september y cuminsa cu nan estudio te na januari. Pero esey no ta algo cu ami so por regla.”

E minister, segun e publicacion, no kier a reacciona riba e peticion aki ainda. Hustamente e tabata siman pasa riba un biahe di bishita na e islanan den Caribe, unda cu e lo mester a papia riba e tema aki den un conferencia di enseñansa.



EDITORIAL

Bon gobernacion y integridad solamente posibel dor y pa e hende

Pa: Victor (Toko) Winklaar



GOBIERNO ta papia di gobernacion di integridad, ta papia di introduccion di un asina yama 'integriteitskamer' mientras cu tin otro gruponan cu ta tene lectura riba reglanan di bon gobernacion y otro aspectonan di integridad den gobernacion.

Siman pasa nos a scucha Director di Universidad tambe papia riba e tema aki y riba un proyecto di e universidad y sin duda integridad den gobernacion, bon gobernacion mester conta semper na tur momento no solamente den gobierno of parlamento, pero den tur sector di nos comunidad.

E tema di integridad ta algo cu ta ser discuti y exige rond mundo, sigur den paisnan c'un sisteme democratico, caminda ta spera di tanto gobernantenan como tur otro lidernan den comunidad, cu nan ta haci nan trabou cu integridad y respet.

Sinembargo tin algo esencial cu no ta bin dilanti den tur e discusion aki pa yega na un nivel di gobernacion di nos pais den e miho forma posibel y riba un nivel respetuoso, caminda pueblo por ta sigur cu e tin hendenan honesto y sincero ta dirigi nan interesnan nacional. Na mes momento nos tin cu mostra cu por introduci cantidad di ley- y reglanan, bin cu sistemanan nobo manera un integriteitskamer cu mester controla maneho di un gobierno of di un gobernante, bin cu un onbudsman of onbuds-vrouw cu lo ta un instancia caminda pueblo por bay cu su keho contra un mandatario of gobierno, cu lo a perhudica su interes personal. Na final di dia nos tin cu señala cu un di e exigencianan principal den henter e desaroyo aki, ta keda e personanan envolvi nan mes, ya cu tur hende ta responsabel pa tur loke e tin cu haci y con e ta haci esaki.

Nos tur por ta integro, nos tur ta yega un momento cu nos tin cu tuma decisionnan, sea na cas, na scol, na trabou of na cas, caminda e decision aki tin cu refleha e decision corecto y al caso, caminda nos integridad semper mester ta e base di e decision aki ta wordo formula y tuma finalmente.

Ta practicamente imposibel pa un comunidad, sea cu ta a base di ley- of reglanan, introduci un sistema cu lo bay logra cu tur hende lo ta integro y sincero na tur momento.

Hasta den varios grupo cu ta trahando riba e tema aki, cu ta tene lectura y ta duna informacion riba integridad den gobernacion of un sistema di bon gobernacion, tin hendenan cu na un of otro momento a haci cosnan u no ta cuadra cu exigencianan di n persona cu integridad.

A practicamente imposibelpa forsa un hende bira integro, ya cu integridad ta algo cu mester biba den nos mes, e mester ta e base di nos caracter na tur momento, tanto na momentonan crucial den nos bida y sigur ora cu nos haya nos mes den momentonan sumamente dificil di nos bida.

Pa nos tuma un ehempel bon cla den ultimo decada akina mundo riba reglanan existente pa comportacion di e ser humano, nos por mira den direccion di Iglesia Catolico, sin duda un tempo lider den comunidanan Cristian rond mundo, caminda tin reglanan estricto di comportacion con y miembro di e Iglesia aki cu comporta nan mes.

Principalmente e liderna Iglesia kendenan ta resulta di e hendenan mescos cu cualkier otro ser humano, hendenan cu a faya barbaramente, hinca nan mes den casonan violacion sexual contra muchanan inocente rond mundo.

Siman pasa caba Su Santidad Papa di Roma a bin admiti cu abusonan sexual tambe a ser cometi contra religiosonan femenino den convento pa añanan largo loke ta bolbe muestra cu e mesun Iglesia cu tin reglanan cu ta ser considera pa hop como reglanan sagrado, ta kibra cu esakinan.

Esaki ta e ehempel mas cla cu por tin cu tur cos ta depende di e hende, di e ser humano cu mester lidera un pais, cu mester lidera cualkier grupo, ya cu su perfil por cuadra cu exigencianan di un persona integro, ta ora cu su caracter tin cu determina su nivel di integridad, ta esun mas crucial.

Ta dificil pa nos bay traha un ser humano integro y perfecto, sigur ora cu nos ta biba den un mundo imperfecto, cu tanto tentacion y otro retonan cu por cambia caracter di un hende na cualkier momento.

Gobierno actual kier bin c'un integriteitskamer cu nos ta consideras otro intento pa duna n hendenan un posicion den aparato gubernamental y na final di cuenta converti e kamer aki den un kamer dirigi pa saca probecha politico for di dje, mescos cu tin añanan caba tumando luga.

Si tin sinceridad na e momentonan aki riba e nificacion berdadero di un integriteitskamer, sin duda gobierno actual mester tin e curashi di tuma accion den su propio seno y tuma medida contra varios miembro cu ya caba a faya cu reglanan di gobernacion integro.

Parlamentario Sue Ann Ras (MEP):

“Tur mucha merece di haya enseñansa cu sentido y di calidad halto pa crea un nacion solidario”



RECIENTEMENTE Minister di Enseñansa, Armando Rudy Lampe a vocifera cu p’e aña escolar nobo 2019-2020 Papiamento oficialmente ta bira idioma di instruccion den scol preparatorio y esaki sigur a trece varios reaccion.

Si nos bay bek den historia, despues di implementacion di e famoso Mammoetwet, nos por mira cu for di 1979 Papiamento y Hulandes ta idioma di instruccion n’e scolnan preparatorio na Aruba.

ANCRA DEN LEY CABA

Den AB 1992 no. 88 Articulo 6 Inciso 1 (cu ta di enseñansa preparatorio) ta bisa lo siguiente: ‘Als voertaal bij het onderwijs worden de Papiamentse en de Nederlandse taal gebruikt.’ Hasta por pone acerca cu den AB 1989 no. GT 75 (cu ta di enseñansa basico) Articulo 9 Inciso 1 ta bisa: ‘Als voertaal bij het onderwijs wordt in de eerste twee leerjaren de Papiamentse taal gebruikt; in de volgende leerjaren is op alle scholen de Nederlandse taal de voertaal.’

FAMILIARISACION CU IDIOMA

Segun miembro di fraccion di MEP, Sue Ann Rasm casi tur scol preparatorio na Aruba ta duna les na Papiamento caba. Cu excepcion di algun scol cu ta duna les den kleuter na Hulandes.

E dos scolnan di S.P.C.O.A. cu ta cuminsa duna les den scol preparatorio caba na Hulandes, lo sigui haci esaki tambe, respetando e derecho di alumnonan pa ricibi enseñansa den nan idioma materno.

Ademas di e idioma Papiamento cu tur alumno tabata siña caba den scol preparatorio, entrante 2019 tur alumno den scol preparatorio lo cuminsa familiarisa nan mes di tempran caba cu e idiomaan Hulandes, Ingles y Spaño tambe. Pues lo amplia e experiencia di e alumno den scol preparatorio cu e idiomaan Hulandes, Ingles y Spaño, banda di e idioma Papiamento. Y den e dos scolnan preparatorio, cu ta duna les caba na Hulandes, e alumno lo cuminsa familiarisa nan mes cu Papiamento di tempran, como e idioma cu nan no ta scucha na cas, pero cu nan ta topa tur dia rond di nan den comunidad.

LEY Y SCOL ARUBANO MULTILINGUAL

Pues Papiamento den e scolnan preparatorio ta un hecho for di basta tempo caba. Cu implementacion di Scol Arubano Multilingual (SAM) pais Aruba mester trece e cambionan den ley, cu ta regula enseñansa.

Esaki ta un motibo di preocupacion, pasobra ningun ley nobo, pa loke ta trata e materianan cu lo duna den SAM, segun e documento di e metanan nucleo di pais Aruba, aproba pa Minister di Enseñansa, Armando Rudy Lampe a drenta Parlamento ainda. E cambionan den ley lo segura cu SAM lo ta duradero pa pais Aruba.

“Ta bon pa enfatisa tambe, cu e diferencia despues di implementa SAM ta, cu lo tin un programa di desaroyo di idioma Papiamento, cu lo mester cuadra cu e liña di desaroyo den e scol multilingual na Papiamento”, Sue Ann Ras a indica. Pues awor lo incorpora scol preparatorio

den e sistema di Scol Arubano Multilingual (SAM), unda cu p.e., e desaroyo di vocabulario ta di sumo importancia, como tambe desaroyo di pensamiento, orientacion di mundo, etc, manera ta e situacion cu scol preparatorio di Colegio Conrado Coronel y Trupial Kleuterschool.

Segun Sue Ann Ras; “Mi no ta referi solamente na Papiamento como djis idioma di instruccion, sino tambe ta dun’e debido atencion, pa desaroyo total di idioma materno, cu lo yuda e mucha desaroya otro idiomaan tambe.

P’esey ta di sumo importancia pa Minister di Enseñansa Rudy Lampe presenta e Plan di Enseñansa Nacional (PEN), Maneho di Idioma den Enseñansa cu su planificacion di implementacion y e sugerencianan den cambio di ley di enseñansa preparatorio y basico”.

UNESCO

Actualmente un gran mayoria di maestro y cabesante ta kere den e cambio, pa un enseñansa multilingual basa riba e mucha su idioma materno. Pues nan ta kere den e vision di SAM. Sinembargo nos tin cu pone atencion n’e proceso di cambio, implementacion responsabel y bon y percura pa atende tur inkietud cu por tin.

“Nos tin cu motiva y sostene nos scolnan den e proceso aki y paulatinamente cumpli cu e tratadonan internacional (UNESCO) y asina cumpli cu e derechonan di nos muchanan. Tur mucha merece di haya enseñansa cu sentido y di calidad halto pa crea un nacion solidario”, Sue Ann Ras a finalisa bisando.

Fortificando e partnership na Aruba

Airbnb a renoba acuerdo cu Gobierno y ATA



E siman cu a pasa e plataforma digital pa acomodacion y hospitalidad di mas grandi na mundo Airbnb a firma un acuerdo cu Aruba Tourism Authority y Gobierno di Aruba pa sigui cu e impulso pa un turismo sostenibel na Aruba a traves di 'home sharing'.

Nan bishita a inicia cu un reunion na Oficina di Turismo, unda e ultimo desaroyo, realizacionnan y prestacionnan pa cu Aruba y e region di Caribe a wordo presenta. Despues a sigui cu un reunion na Oficina di AHATA. Parti merdia e plataforma Airbnb a firma e Memorandum of Understanding –MoU- na Oficina di Gobierno cu presencia di Minister di Turismo, Salud Publico y Deporte Sr. Danguillaume Oduber, Minister di Finanzas, Asunto Economico y Cultura Sra. Xiomara Ruiz-Maduro, CEO di Aruba Tourism Authority Sra. Ronella Tjin Asjoe-Croes, y Airbnb Campaign Manager, Public Policy & Communications pa Caribe y Central America Sr. Carlos Munoz.

“Aruba a experencia un crecimiento sostenibel di e sector specifico durante e ultimo añanan y nos ta sinti cu, cu e plataforma di Airbnb nos por yega na un segmento diferente di turistanan cu ta interesa di biba manera e localnan mientras cu nan ta experimenta un banda diferente di nos isla” asina Sra. Ronella Tjin-Asjoe Croes, CEO di Aruba Tourism Authority a laga sa.

A traves di Airbnb, turismo pa Aruba ta mas accesibel y ta duna un oportunidad amplio na esnan cu ta busca diversidad den estadia durante nan vacacion. Segun estadistica di Airbnb, durante 2018 e anfitriónnan di Airbnb na Aruba a yama bonbini na un alrededor di 47,200 bishitante cu un estadia di aproximadamente seis dia. E turistanan aki a wordo aloha door di 940 anfitriónnan cu a habri nan porta pa ofrece un experencia diferente di nos isla.

Ta bon pa menciona cu e miembronan di Airbnb na Aruba (esnan cu ta ofrece alohamento na e bishitantenan) ta un grupo hopi diverso: E edad promedio di un 'host' tin 48 aña, y 77% di e anfitriónnan tin un edad di entre 30 pa 59 aña. Ademá, un host ta ricibi un entrada anual average di USD \$ 9.200,-

E total di e 'listings' di Aruba riba e plataforma aki ta 2,300 propiedad. Na e mes momento, e Arubianonan tambe ta eligi Airbnb na momento cu nan biaha pa exterior. Na 2018, 5,100 biahero procedente di Aruba a scoge pa sinti nan mes manera local di e pais ora di biaha.

SHARE THE LOVE

<ul style="list-style-type: none"> ○ VALENTINE'S COUPLE MASSAGE AFL. 199 50 min. massage ○ VALENTINE'S BODY EXFOLIATION AFL. 99 50 min. full body pampering ○ REGULAR MANICURE & PEDICURE AFL. 80 	<ul style="list-style-type: none"> ○ EUROPEAN FACIAL AFL. 95 50 min. facial ○ VALENTINE'S BODY SAMPLER AFL. 175 25 min. exfoliation 25 min. body massage 25 min. facial
--	---

OKEANOS SPA GIFT CERTIFICATES
Valid for 6 months

Ask us for our loyalty card and pamper yourself!

Promotion valid through February, 2019

Located in the Renaissance Mall. For reservation please call 523-6176
 Open daily from 8am to 8pm | renaissancearubaspa.com | [Facebook.com/OkeanosSpa](https://www.facebook.com/OkeanosSpa)

Alvin Koolman, CEO di RDA RdA hunto cu Gobierno ta haciendo tur contacto pa delinea e importancia pa Aruba pa cu Citgo



DIABIerna mainta Refineria di Aruba N.V. (RdA) a convoca un conferencia di prensa unda a elabora tocante e situacion actual di e proyecto di rehabilitacion di e Refineria na San Nicolas, cu tin como operador Citgo Aruba Refinery (CAR). Sr. Alvin Koolman—CEO y Managing Director di Refineria di Aruba N.V., kende a hiba palabra, a papia tocante diferente punto y a splica con e proyecto y financiamiento ta hinca den otro y kico lo por spera den un futuro sercano.

Na aña 2012, Valero Aruba a stop su operacion p'e motibo cu e refineria no tabata rendabel. Valero Aruba no tabata produci ni gasolin, ni diesel n'e especificacionan rekeri p'e mercado mundial. Inversionan cuantioso tabata necesario pa por logra subi e complexidad di e operacion pero den un atmosfera cu tin exceso di capacidad di refinacion den e region Atlantico, e inversionan aki no tabata hustifica.

Logicamente ora e refineria a sera, e tarea tabata dificil pa busca un compania cu lo kier inverti den nos refineria. Manera indica, e unidadnan di proceso existente di Aruba no por produci productonan liviano y pa hacie economicamente viable como refineria, inversionan cuantioso ta necesario.

Sinembargo cu mesun unidadnan di proceso aki, e refineria por ser converti den un mehorador (Upgrader) di crudo extra pisa di e faha petrolifera di Orinoco, cu tin un reserva di alrededor di 300 mil miyon bari. E economia di Venezuela ta depende 95% di e produccion di crudo y esaki ta haci cu un proyecto manera Aruba, unda cu no mester inverti den procesonan nobo, sino rehabilita esnan existente, ta haci e proyecto masha atractivo, mas aun cu e por wordo realiza den un periodo relativamente corto di 16 pa 18 luna. E inversion previsto pa por rehabilita e refineria como mehorador di crudo ta \$1.2 mil miyon, cu ta inclui e linea di gas natural for di Venezuela.



Como referencia, pa rehabilita e refineria y inclui unidanan nobo di conversion pa produci productonan liviano lo exigí mas of menos \$2-\$2.5 mil miyon adicional.

Aunke cu e proyecto como Upgrader enberdad ta uno hopi atractivo riba su mes, e sancionan imponi riba e regimen Maduro, ta haci casi imposibel pa Citgo Aruba por haya un instituto financiero pa por a financia e proyecto aki.

Di otro banda no por kita e refineria for di Citgo Aruba, y bin cu un otro operador sin mas ya cu e lo causa un "incumplimento di contract", cu tur e consecuencianan adverso pa Aruba cu tin cu ne mara den e acuerdonan. Al fin al cabo lo bo mester di Venezuela tog pa su crudo extra pisa pa por opera como Upgrader.

CON CITGO ARUBA TA STRUCTURA?

Na comienzo di e negociacionan na 2015, e plan inicial tabata pa pone Citgo Aruba, bou di Citgo Petroleum. Pero na final di 2015 caba Citgo Petroleum a laga sa cu analistanan financiero ta conseha pa no por pone un carga financiero adicional cu Citgo Aruba ta trece cune, bou di Citgo Petroleum. E resultado e ora tabata cu Citgo Aruba lo cay bou PDV-Holding. PDV-Holding ta un compania estableci na Delaware, cu ta doño di Citgo Petroleum Holding. Citgo Petroleum Holding ta e.o. doño di e refinerianan di Citgo Petroleum Refinery na Merca. Citgo Aruba Holding cu tambe ta estableci na Delaware, ta resorta bou PDV-Holding, unda cu Citgo Aruba Holding ta doño di Citgo Aruba Refinery, Citgo Aruba Terminal y Citgo Aruba Marine. E sancionan decretal na augustus 2017, a haci dificil pa por haya fianza p'e proyecto aunke cu si por a keda opera Aruba. E sancionan nobo decreta un siman y mei pasa, sinembargo ta trese reglanan nobo cune. Ademá Cas Blanco a anuncia cu tur pago pa crudonan Venezolano procesa na Merca lo mester wordo deposita den un "Blocked Account" y cu nada no por bay bek pa PDVSA actual. Kico esey ta haci cu e operacion di Aruba? Te prome cu e sancionan nobo aki a bin na vigor, Aruba su operacion ta wordo financia dor di e benta di productonan petrolera di Citgo cu mester paga PDVSA p'e crudo procesa. Mensualmente, PDVSA ta autoriza Citgo Petroleum pa paga PDV-Holding cierto suma destina pa Citgo Aruba Holding por cubri gastonan di operacion di su tres filialnan na Aruba. Cu e sancionan nobo esaki no por mas. Citgo Petroleum mester deposita tur e suma p'e crudo procesa di PDVSA den un blocked account. Pa Citgo Aruba Holding haya e placa necesario pa su operacion, un autoridad cu ta designa dor di e Presidente Guaido mester duna aprobacion. RdA, Gobierno (GoA) y Citgo Petroleum ta den discusion pa segura cu Aruba haya e fondonan necesario pa sigui su operacion y termina fase 2 di e proyecto. E sancionan contra e regimen di Maduro en realidad ta haci e situacion dificil pa haya financiamiento, y si acaso bin un cambio, e Proyecto di Aruba aki lo ta uno di sumo importancia pa Venezuela como tambe pa Aruba. Den un buki cu a wordo publica recientemente "Venezuela Energetica" di Leopoldo Lopez y Gustavo Baquero, ta delinea kico t'e prioridad di Venezuela den un cambio di Gobierno. E number UN prioridad ta pa subi e produccion di crudo y gas na 4 pa 5% pa aña te cu 2030. Esaki ta unda Aruba su proyecto ta hunga un rol importante, ya cu dentro di un periodo relativamente corto por subi e produccion di crudo Venezolano na un total di 150 mil bari pa dia of 10% di e produccion actual.

E proyecto di rehabilitacion di e refineria y converti den un upgrader ta uno cu no tin duda cu lo wordo realiza. E riesgo si cu tin ta cu e lo por wordo poni riba un "Hold" durante di e situacion actual y durante di un transicion di Gobierno na Venezuela. Gobierno di Aruba y RdA ta segurado p'esaki no bira e caso. Actualmente, tin mas of menos 300 hende ta traha den refineria, directamente como empleado di Citgo Aruba y indirectamente cu varios compania di contratista. RdA tin entendi cu p'e fase 2 andando tin un Purchase Order (PO) pa extende cierto trabou no lo wordo duna, cual lo afecta 4 compania local.

RdA ta lamenta si cu un lider sindical a anuncia cu nan ta pone e produccion di Aruba su productonan petrolero plat. Ta importante pa menciona cu tur producto ta wordo importa dor di Fuels Marketing & Supply Aruba N.V.(FMSA) – cu t'e compania distribuidor di gasolin, diesel, jet fuel y fuel oil riba nos isla. E productonan aki ta wordo almacena den tanki, cu enberdad ta wordo leased dor di Citgo Aruba, pero no tin ningun motibo pakico e distribucion ni almacenahe lo wordo poni den peligro. Mas aun e ta hopi irresponsabel pa bisa cosnan asina mirando e situacion actual y trese panico den nos comunidad sin tin mester.

Finalmente, nos ta desea di enfatisa un biaha mas cu RdA hunto cu Gobierno di Aruba ta haciendo tur e contactnan necesario pa delinea e importancia pa Aruba di e proyecto aki y cu pone e fase aki on hold pendiente di e situacion na Venezuela no ta uno favorable ni pa Aruba pero tampoco pa Venezuela. Nos tur ta trahando cu determinacion pa realiza e proyecto tan importante aki pa ambos pais, segun Alvin Koolman.

Chuple envolvi den accidente serio di bromer riba brug di Wilhelmina Park



DIADOMINGO madruga 5'or pasa Polis y ambulance a wordo manda cu urgencia n'e brug di Wilhelmina Park. Eynan un accidente serio a sosode entre un bromer cu auto. Na yegada riba e brug nan ta topa cu un Toyota Yaris color cora cu por a mira cu a bay bira na su man robes, pa drenta e caya pabou di cas di Gobernador.

Riba acera di e brug un Harley Davidson benta, y riba caminda na rand di acera e conocido motociclista Chuple. Chuple a resulta seriamente herida na su pia links na altura di su enkel.

N'e sitio nos a compronde cu e chauffeur di e Yaris kende tabata bou influencia a yega bira riba Chuple, kende tabata bayendo direccion pabou. E impacto di e auto tabata tur contra e parti abou di pia di Chuple, causando un trauma serio na su pia y lagando e herido benta riba caminda.

Chauffeur di e Yaris a keda deteni y transporta pa warda, y cu cargonan serio den su contra. Departamento Tecnico di Polis a ser pidi n'e sitio, mirando cu e motociclista ta seriamente herida. Pues e especialista mester yega y tuma algun shots p'e investigacion.

Cu urgencia e motociclista a wordo hiba Hospital, unda e lo mester a wordo pasa mesora pa kamber di operacion mirando e daño serio n'e pia.



SIGNATURE CRAFTED
recipes

NOBO MUSHROOM DELUXE

Dobel Carni



Carni



TRAHA CU 100% CARNI PURO

PA UN TEMPO LIMITA

Scohe entre Galiña of Carni



Enseñansa pa Empleo

ta participa cu e siguiente cursonan lo bay cuminsa entrante **11 di maart** binidero y lo dura 6 of 13 siman. Bo ta cla pa e oportunidad pa amplia bo conocimiento riba algun materia? Nos ta invita bo pa inscribi! **Tur inscripcion ta tuma luga via nos pagina web:** <http://www.epearuba.com/>. **Depende di e cantidad di inscripcion, lo cuminsa cu e curso. Tur correspondencia despues di e inscripcion ta tuma luga via e-mail.** Tin curso cu lo wordo duna riba 1 y/ of 2 anochi pa siman, tene cuenta cu esaki!

Pa cualkier informacion por yama na telefon: 5825662 of pasa oficina na Engelandstraat 33 durante orario di trabou, 7:30 AM – 4:30 PM.

PAPIAMENTO:

E cursonan pa siña Papiamento ta reparti den grupo di e personanan di habla Spaño y Hulandes. E personanan naci na Aruba y a/ta atende scol na Aruba tambe por atende e cursonan. Ta reparti e nivelnan den principiante (1 y 2) y avansa (1). Por sigui e nivelnan segun e secuencianan.

Duracion di e curso(nan): 13 siman 1- anochi pa siman - 3 ora di les @45 minuut. Orario: 7:00– 9:15 PM

Hulandes/ Papiamento-Principiante1	Spaño/ Papiamento-Principiante1	Hulandes/ Papiamento-Avansa 1
Hulandes/ Papiamento-Principiante2	Spaño/ Papiamento-Principiante2	Spaño/ Papiamento-Avansa 1

INGLES:

E cursonan pa siña Ingles ta reparti den grupo di e personanan di habla Spaño y e personanan naci na Aruba of a/ta atende scol na Aruba. Ta reparti e nivelnan den Ingles Basico, principiante (A1 y A2) y avansa (B1). Por sigui e nivelnan segun e secuencianan.

Duracion di e curso(nan): 13 siman - 1 anochi pa siman - 3 ora di les @45 minuut. Orario: 7:00– 9:15 PM

Ingles Basico	Spaño/ Ingles A1	Spaño/ Ingles A2	Spaño/ Ingles B1
---------------	------------------	------------------	------------------

HULANDES:

E cursonan pa siña Hulandes ta reparti den grupo di e personanan di habla Spaño y e personanan naci na Aruba of a/ta atende scol na Aruba. Ta reparti e nivelnan den Hulandes Basico, principiante (A1 y A2). Den e siguiente periodo di curso lo habri e nivel Avansa (B1). Por sigui e nivelnan segun e secuencianan.

Duracion di e curso(nan): 13 siman - 1 anochi pa siman - 3 ora di les @45 minuut. Orario: 7:00– 9:15 PM

Hulandes Basico	Papiamento/ HulandesA2	Spaño/Hulandes A2
Papiamento/ Hulandes A1	Spaño/ Hulandes A1	

PORTUGES:

E cursonan pa siña Portuges ta reparti pa e personanan naci na Aruba of a/ta atende scol na Aruba. E curso ta reparti den e nivelnan 1 y 2. Por sigui e nivelnan segun e secuencianan. Den e periodo aki lo tin nivel 2.

Duracion di e curso: 13 siman - 1 anochi pa siman - 3 ora di les @45 minuut. Orario: 7:00– 9:15 PM

Papiamento/ Portuges 2

OFFICE SKILLS:

Den e curso aki bo ta siña diferente tema: Planning & Organization/ Customer Focus/ Time Management/ Stress Management/ Communication.

Duracion di e curso: 13 siman - 1 anochi pa siman - 3 ora di les @45 minuut. Orario: 7:00– 9:15 PM

Office Skills

COMPUTER:

E cursonan di computer ta reparti den diferente nivel y tema. Por sigui e nivelnan segun e secuencianan.

Duracion di e curso(nan): 13 siman - 1 anochi pa siman - 4 ora di les @45 minuut. Orario: 6:30 -9.30 PM

Computer Tecnician Level 1	Den e curso aki bo ta siña con ta drecha computer y troubleshoot e hardware etc. Mester sa Ingles, pasobra e terminonan di computer ta na Ingles.
Computer Tecnician Level 2	Den e curso aki bo ta siña con ta drecha computer y troubleshoot e hardware etc. riba un nivel mas avansa. Mester sa Ingles, pasobra e terminonan di computer ta na Ingles.
Computer Basico	Den e curso aki bo ta siña e basico di computer hardware, Operation System y traha cu e aplicacionnan di Microsoft Office.
MSO Word Avansa	Den e curso aki bo ta siña con pa traha diferente tipo di carta y envelop, labels, verslag y mail-merge.
MSO Excel Avansa	Den e curso aki bo ta siña con pa traha tabel cu cifra, formule, charts, pivot tables, etc.
MSO Publisher + Powerpoint	Den e curso aki bo ta siña con pa crea presentacion y traha folder y booklet.
Quick Books & Excel 1	Den e curso aki bo ta siña tocante: file di compania, traha y mantene Chart di account, lista di servicio, P.O.'s y inventario, etc. den combinacion cu uzo di MSO Excel. Pa e curso ta recomenda cu por traha cu Microsoft Office Excel.
Quick Books & Excel 2	Den e curso aki bo ta siña tocante: file di compania, traha y mantene Chart di account, lista di servicio, P.O.'s y inventario, etc. den combinacion cu uzo di MSO Excelriba un nivel mas avansa. Pa e curso ta recomenda cu por traha cu Microsoft Office Excel,.

ENTREPRENEUR:

Bo tin un idea pa habri un negoshi, pero no sa cu kico mester tene cuenta y con pa realis'e? E curso di Entrepreneur ta encera desaroyo y guia pa esnan cu ta desea pa habri un negoshi chikito y/ of mediano.

Duracion di e curso: 13 siman 1- anochi pa siman - 3 ora di les @45 minuut. Orario: 7:00– 9:15 PM

Entrepreneur

ARBEIDSRECHT:

E curso di Arbeidsrecht ta reparti den nivel 1 y 2. Por sigui e nivelnan segun e secuencianan.

Duracion di e curso(nan): 13 siman 1- anochi pa siman - 3 ora di les @45 minuut. Orario: 7:00– 9:15 PM

Arbeidsrecht 1	Arbeidsrecht 2
----------------	----------------

MARKETING:

E curso di Marketing ta diferencia dentema y nivel: Sales & Marketing (1 y 2). Di e curso Sales Marketing, tin nivel 1 den e periodo aki. Den e siguiente periodo di curso lo habri e nivel 2. Por sigui e nivelnan segun e secuencianan.

Duracion di e curso(nan): 13 siman 1- anochi pa siman - 3 ora di les @45 minuut. Orario: 7:00– 9:15 PM

Sales & Marketing 1	
---------------------	--

CUSTOMER SERVICE:

E curso di Customer Service ta reparti den nivel 1 y 2. Por sigui e nivelnan segun e secuencianan.

Duracion di e curso(nan): 13 siman 1- anochi pa siman - 3 ora di les @45 minuut. Orario: 7:00– 9:15 PM

Customer Service Agent 1	Customer Service Agent 2
--------------------------	--------------------------

MANAGEMENT:


E curso di Management ta reparti den nivel y tema. Por sigui e nivelnan segun e secuencianan.

Duracion di e curso(nan): 13 siman 1- anochi pa siman - 3 ora di les @45 minuut. Orario: 7:00 – 9:15 PM



Supervisor Management 1		Supervisor Management 2		Di empleado pa TopManager			
GEZONDE VOEDING & LIFESTYLE: E curso di Gezonde Voeding & Lifestyle ta reparti den nivel 1 y 2. Por sigui e nivelnan segun e secuencianan. <u>Duracion di ecurso(nan):</u> 13 siman 1- anochi pa siman - 3 ora di les @45 minuut. Orario: 7:00– 9:15 PM							
Gezonde Voeding & Lifestyle 1		Gezonde Voeding & Lifestyle 2					
HOTEL & RESTAURANT: E curso di Hotel & Restaurant ta reparti den diferentetema. E cursonan di Waiter y Bartender ta reparti den 2 periododi teoria y ‘stage’. Ta ripiti e periodo di nan pa un grupo nobo den periodo 2 (P2) cu lo start despues cu periodo 1 (P1) di teoria finalisa. Mester tene cuenta cu pa e cursonan di Waiter y Bartender, tin un precedura pa aplicacion di e carchi di Salubridad Publico (DBZ-kaart).							
P1	Waiter	6 siman	2 anochi pa siman	4 ora di les @45 minuut	Orario: 6:30 - 9:30 PM	Localidad: EPE	
P2	Waiter	6 siman	2 anochi pa siman	4 ora di les @45 minuut	Orario: 6:30 - 9:30 PM	Localidad: EPE	
P1	Bartender	6 siman	2 anochi pa siman	4 ora di les @45 minuut	Orario: 6:30 - 9:30 PM	Localidad: EPE	
P2	Bartender	6 siman	2 anochi pa siman	4 ora di les @45 minuut	Orario: 6:30 - 9:30 PM	Localidad: EPE	
Basic Cooking		13 siman	2 anochi pa siman	4 ora di les @45 minuut	Orario: 6:30 - 9:30 PM	Localidad: Unit H&T, Colegio EPI	
Baking & Pastry		13 siman	2 anochi pa siman	4 ora di les @45 minuut	Orario: 6:30 - 9:30 PM	Localidad: Unit H&T, Colegio EPI	
F&B Cost Control		13 siman	1 anochi pa siman	4 ora di les @45 minuut	Orario: 6:30 - 9:30 PM		
KLEIN VAARBEWIJS: (Licencia pa embarcacion chikito) E curso ta reparti den 2 periodo di 6 siman – 2 anochi pa siman.Ta ripiti e periodo di nan pa un grupo nobo den periodo 2 (P2) cu lo start despues cu periodo 1 (P1) finalisa. <u>E licencia aki ta valido pa:</u> 1. Embarcacionnan di largura di 12 te 20-meter, cu excepcion di remolcador (tugboat of sleepboot) y embarcacionnan destina pa uzo di transportacion comercial di mercancia cu un capacidad di 15 ton of mas, of pa transporta un of mas persona contra pago. 2. Botonan di motor rapido cu no ta uza den combinacion cu skinan acuatico. Orario: 7:00 – 9:15 PM							
P1	Klein Vaarbewijs	Ma-Di	3 ora di les @45 minuut	P2	Klein Vaarbewijs	Ma-Di	3 ora di les @45 minuut
P1	Klein Vaarbewijs	Wo-Do	3 ora di les @45 minuut	P2	Klein Vaarbewijs	Wo-Do	3ora di les @45 minuut
MANICURE & PEDICURE: E curso di Manicure & Pedicure ta diferencia den nivel 1 y 2. E periodo aki lo tin nivel 1.Den e siguiente periodo di curso lo habri e nivel 2.Por sigui e nivelnan segun e secuencianan. Den e curso di Manicure & Pedicure bo ta siña tocante tratamiento di man y pia y con pa drecha huña. <u>Duracion di e curso(nan):</u> 13 siman - 1 anochi pa siman - 3 ora di les @45 minuut. Orario: 7:00– 9:15 PM							
Manicure & Pedicure 1							
SPORTMASSAGE: E curso di Sport Massage ta reparti den nivel 1,2 y 3. E periodo aki lo tin nivel 1 y 2. Den e siguiente periodo di curso lo habri e nivel 3. Por sigui e nivelnan segun e secuencianan. Den e curso aki bo ta siña e tecnicanan di masashi y ta haya conocimiento di anatomia. Por uza esaki pa yuda entre otro deportista, pero tambe si ta desea pa traha den un SPA of lanta bo mesun negoshi como masahista, specialisa den e ramo di sport. <u>Duracion di e curso(nan):</u> 13 siman - 1 anochi pa siman - 4 ora di les @45 minuut. Orario: 7:00 – 9:15 PM							
Sport Massage 1		Sport Massage 2					
SECURITY: Den e curso aki bo ta siña tur loke cu un security mester sa den su trabou. <u>Duracion di ecurso(nan):</u> 13 siman 1- anochi pa siman - 3 ora di les @45 minuut. Orario: 7:00– 9:15 PM							
Security							
AGRICULTURA/HORTICULTURA: E curso aki ta reparti den 2 periodo di 6 siman. Ta ripiti e periodo pa un grupo nobo den periodo 2 (P2) cu lo start despues cu periodo 1 (P1) finalisa. Den e curso aki bo ta siña con pa planta y cultiva mata.E curso ta wordo duna den 2 dia:diasabra mainta y dialuna anochi. <u>Duracion di curso:</u> 6 siman - 2 dia pa siman							
P1	Agricultura/ Horticultura		Diasabra mainta: 4 ora di les @45 minuut		Dialuna nochi: 3 ora di les @45 minuut		
P2	Agricultura/ Horticultura		Diasabra mainta: 4 ora di les @45 minuut		Dialuna nochi: 3 ora di les @45 minuut		
BODYMAN &PAINTING: E curso ta reparti den 2 periodo di 6 siman. Den e curso aki bo tasiña den e prome periodocon pa saca sla y prime un auto y den e di dos periodo con ta spuit un auto.Orario: 6:30 -9.30 PM							
P1	Bodyman	6 siman	2 anochi		4 ora @ 45 min.		
P2	Painting	6 siman	2 anochi		4 ora @ 45 min.		
AUTO AIR CONDITIONING TECNICIAN: Den e curso aki bo ta siña con pa drecha airco di auto. <u>Duracion di e curso:</u> 13 siman – 1 anochi pa siman – 4 ora di les @45 miniut. Orario: 6:30 – 9:30 PM							
Auto Air Conditioning Tecnician							
WELDER BASICO: E curso ta reparti den 2 periodo di 6 siman.Ta ripiti e periodo pa un grupo nobo den periodo 2 (P2) cu lo start despues cu periodo 1 (P1) finalisa. Den e curso aki bo tasiña e tecnicanan basico pa welder.							
P1	Welder Basico	2 atardi pa siman	4 ora di les @45 minuut	Orario: 3:00 - 6.00 PM		Localidad: EPB San Nicolas	
P2	Welder Basico	2 atardi pa siman	4 ora di les @45 minuut	Orario: 3:00 - 6.00 PM		Localidad: EPB San Nicolas	

No ta pasa un dia, cu no tin accidente n'e cruzada peligroso na Palm Beach



AYERA diadomingo algo pasa di 10'or di mainta ta sosode un accidente na altura di e cruzada Wendys Palm Beach. Mesora a pidi pa presencia di ambulance y Polis n'e sitio.

Na yegada Polis ta bin compronde cu un auto tabata biniendo di panort cu velocidad basta halto y un turista den un UTV no a duna preferencia n'e auto y a subi caminda y e auto a dal e UTV, e impacto tabata hopi fuerte cu e UTV a draai subi e acera.


E dama den e auto tabata keha di dolor, na yegada di ambulance, personal di ambulance a controla e dama y a transporte pa hospital pa un control medico mas avansa.

Por bisa cu no ta pasa dia cu no tin accidente na dicho cruzada. Ta for di tempo cu e lusnan di trafico no ta den funcion tur dia tin accident ta sosode riba e crusada aki.




Homber haya cu droga sea pa uso personal of pa distribui na Pelican Pier

DIASABRA atardi Strand Politie atento a spot un homber na Pelican Pier, y lo a sigui su movencion un rato. Despues a dicidi di bay unda e ta. Loke nan a sospecha a bira realidad. E homber aki tabatin droga den su poder, y esey a causa su actuacion nervioso momento Polis a yega. El a wordo deteni y transporta pa Warda di Polis, unda Sub Fiscal a lese su derechonan y a ser encarcela pa mas investigacion.



Shoplifting ta castigable



DIASABRA merdia e señora aki ta wordo gara ta horta den The New Food Center, cu tabata motibo cu e doño a yama Polis, kende a bin y a detene e señora aki.

E señora ta haya cu e no a haci nada malo, pasobra pio lo ta pa laga su yiunan muri di hamber. Un situacion cu ta manifestando su mes mas y mas, unda pa motibo cu no tin placa pa cumpra cuminda, tin hende ta recurri pa horta pa por cria su yiunan. Y manera e señora aki a declara, cos a bira demasiado caro y placa no ta yega.

DATA GRATIS!

EXTRA



di **LTE Data**
pa paketenan
Postpaid y Hybrid!

Prome Minister Evelyn Wever-Croes:

Aruba ta conta cu 5 hues nobo



DIABIERNA atardi, Prome Minister Evelyn Wever-Croes y Minister di Husticia Andin Bikker, tawata presente na e instalacion di 5 Hues nobo pa Aruba. E instalacion a tuma luga den un sesion plenario di Corte Comun di Husticia y a wordo oficia door di e presidente di Hof mr. Eunice Saleh.

E 5 huesnan nobo ta: mr. Jansen; mr. Verheijen; mr. Soffers; mr. van Suilen; y mr. Verhoeven.

Prome Minister a expresa su orguyo cu Aruba tin un hues local nobo kende ta un hende muher! Mr. Jane Jansen ta un hues den caso di belasting kende por cierto ta un ex-colega di Prome Minister, cu pa e Premier di Aruba ta mas motibo di orguyo!

Cu e huesnan nobo, nos Corte tin mas capacidad pa atende casonan den corte y den un tempo mas cortico. Asina brinda proteccion na cada ciudadano manera ley ta rekiri. Pabien na nos 5 huesnan nobo.

Varios patruya policial a bay Sabana Basora pa un pelea grandi cu arma



DIASABRA atardi varios patruya policial a wordo pidi pa bay pura na Sabana Basora, unda lo tin un pelea grandi y cu arma involvi.

Mesora unidadnan di San Nicolas, Santa Cruz y tambe di Trafico a bay na dicho adres.

Na yegada di Polis ya no tabatin pelea mas, pero a bay e cas cu lo a pidi pa Polis. E mama di dos mucha di 10 aña a splica Polis cu auto lo a wordo manda riba su yiunan.

Mas cu logico esey tabata motibo tambe pa full un problema. Despues di incidente ey un persona lo a saca cuchiu pa otro.

Polis a wordo bisa ken tabata esnan involvi den e problema y a aserca tur splicando nan e consecuencia.

Despues a splica nan tambe cu por pasa Warda di San Nicolas pa entrega keho na Recherche.

Valentine gifts

5929064
for more info



Talento Arubiano a produci pelicula cu Maria Conchita Alonso

“He Matado a mi marido”



E producto di película Arubiano, kende actualmente ta biba na Hollywood, Jo Henriquez, a produci un comedia na Spaño cu e un lista di streanan Latino manera e actriz y cantante Maria Conchita Alonso (The Running Man), e actriz y sensación di media social Gaby Espino, y ex Miss Universe, Alicia Machado.

E comedia nobo aki ¡He Matado a mi Marido!, ta presenta den teatronan na Aruba riba diabierna, 8 di mart, Un siman despues di su estreno na Merca.

E pelicula a wordo skirbi y dirigi pa Francisco Lupini Basagoiti, kende Henriquez a conoce durante su dianan di estudio na e prestigioso universidad di película na NYU. Henriquez a bisa cu simper e tabata impresiona pa e pelculanan corto-metrahe di Lupini, y hunto cu su partner Daniela Ruiz, nan a forma un team cu e director despues di a namora di e script.

E comedia aki di “humor negro” ta draai rond di e personahe di Remedios, interpreta pa Alonso, un muhe desespera kende accidentalmente a mata su casa infiel e dia cu e mester a organisa un fiesta pa honra e premio Pritzker cu el a caba di gana. Cu huespednan y famia na caminda pa e fiesta den algún ora, e mester sobrevivi un anochi di dolor pa su curason kibra y e anochi di celebracion sin cu e ta wordo descubri.

“He Matado a mi Marido” ta un mescla di cultura Hispanico. E storia ta tuma luga na Miami y ta filma completamente na Spaño cu actornan di diferente pais Latino Americano y España.

Mientras cu cada actor ta trece un poco di nan cultura, e comedia y e storia ta universal y cualkier ser humano, sin importante cultura of idioma, lo hari hunto cu e caracternan. Y harimento tin hopi.

E cancion di e pelicula ta canta pa Maria Conchita Alonso (Yano ma) cu ta e himno di muhenan cu ta tuma poder y ta libera nan mes, a wordo estrena dia prome di februari ultimo. Otro actor y actriznan den e pelicula ta: Assumpta Serna (Matador, The Borgias, The Craft) como Berta, Remedios su ama de llaves fiel; Eduardo Yáñez (Destilando Amor) como Pepe, e jardinero; Guy Ecker (Eva Luna) como Piero, e esposo infiel; Miss Universe, Alicia Machado como Telma, e tanta loco; e actriz y strea di social media Gaby Espino como e amante (Más sabe el diablo).

“Mi ta hopi orguyoso di e peliculo y orguyoso di a traha un pelicula cu ta sirbi e comunidad Caribense y Latino,” Henriquez a bisa, kende a lanta na Aruba y contenido di e pelicula tin cosnan cu e ta reconoce den e comunidanan aki. Mama di Jo, esta Landa Henriquez, ta e bos dobbel ora cu e actriz Assumpta Serna ta canta den e pelicula.

Capitulo 13 di Fuga di Oro di Venezuela

Violencia den e Arco Minero di Orinoco

ENTRE april di 2016 y september di 2018 tabatin 40 evento violento den e area destina mediante decreto pa explotacion di materialnan strategico na zuid di Venezuela. Solamente den un año, durante maneho di Gobernador Justo Noguera Pietri, a registra 14 mjetanza den e tera di minanan di oro.

Complice y responsabelnan

“E explotacion di e minanan di oro na zuid di Venezuela ta asercando na un situacion similar na esun di e diamantenan di sanger na Africa,” segun director di Oficina di Financiamiento Terrorista y Crimennan Financiero di Impuesto di Merca, Marshall Billingslea, dia 24 di october di 2018 na Washington. Na mesun momento, a presenta menasanan cu tin den e Arco Minero, mahea door di Gobierno Venezolano; daño na medio ambiente y poblacionnan indigeno; destruccion di mondinan, creacion di lagunanan inmenso contamina cu mercurio y 7 otro quimiconan; brotenan di malaria y dengue cu ta plama pa e region cu miyones di refugiado. “E lo ta un catastrofe medioambiental durante decada,” el a enfatisa.

Billingslea a alerta riba e comercio di oro sin control medioambiental ni di contabilidad cu ta financian- do e supuesto rednan di corrupcion cu ta apoya Gobierno di Nicolas Maduro como tambe manera a wordo adverti door di consehero di siguridad di Donald Trump, John Bolton dia prome di november



di 2018, ora cu el a anuncia sancionnan na esnan cu haci transaccionnan “fraudulente y corrupto” cu oro Venezolano.

Ta existi algun reglanan internacional pa blokea e compra di metalnan conflictivo cu den caso di Venezuela ta sigui sin wordo aplica.

Produccion di oro (2017)

Venezuela tin tur e banderanan cora cu por bati alarma di explotacion y comercio irregular di oro. Si revisa e Manual di Debido Diligencia pa cadenan di suministra responsabel di Mineralnan den e areanan di conflicto of di riesgo halto di Organizacion pa Cooperacion y Desaroyo Economico (OCDE), e pais tin e caracteristicanan pa wordo identifica como un “Estado di conflicto y Riesgo Halto”, comprendi como un zona unda t8in instabili8dad politico, represion,

institucionnan fragil, inseguridad, abusonnan grave y generaliza na e derechonnan humano, colapso di e infraestructura civil, violencia generaliza y violencia na e soberania nacional y internacional.

Aunke Venezuela, Corsou y Aruba no ta paisnan miembro di Oede – Hulanda, Suisa, Belgica y Turkia si ta y cual paisnan ta cumpra di Venezuela of ta sirbi di escala pa e transito di e mercancia ey. E condicion aki aki ta suficiente pa ta obliga pa vigila e relacionnan cu e paisnan den conflicto cu ta comercialisa oro, den un intento pa para e mineria ilegal y e violacionnan di e derechonnan humano cu e actividad ilegal ey ta trece cun’e.

Mayan tin e ultimo capitulo di e serie investigativo di runrun.es riba e ruta di salida di oro for di Venezuela.

Polis ta pidi cooperacion.....

Dòbel asesinato den Kaya Koraal Specht diasabra ultimo

WILLEMSTAD - Diasabra 9 di febrüari alrededor di 19.15'or, Central di Polis a ricibí yamada di un caso di tiramento cu tabata tumando lugar riba Koraalspechtweg. Mesora a dirigí diferente unidad n'e sitio.

Na yegada di e promé unidad, nan a bin topa dos hòmer drumi abou cant'i caminda, cu diferente herida di bala na nan curpa. Un vehículo den becindario tambe a ricibí perforacion di bala.

Inmediatamente a pidi presencia di ambulance, pero na nan yegada, no por a haci nada mas p'e dos víctimanan.

Dòkter di Polis cu a yega n'e sitio a constatá morto di e dos hòmbenan.

Un di e víctimanan a keda identificá como Signald Dionisio Richart Quammie, nace na Còrsou dia 27 di april 2001 (17 año).

E otro víctima su identidad te ainda no ta conocí pa Polis, miéntras ta continuando cu e investigacion pa sa kico a sosodé cu a conducí na morto di e dos víctimanan aki. (Esey ta facil pa deduci: Un of mas hende a tira nan mata. Símpel!. Manera ser bisa, nan a ser liquida.

Un súplica ta bay na tur ciudadano cu tin informacion tocante di loke a tuma lugar relacioná cu e caso aki, pa tuma contacto cu Polis na 917 òf e liña anónimo 108.



Base di tur empresa, un bon servicio ta filosofia di lite life medicab



RECIENTEMENTE a tuma lugha entrega di certificado na un grupo di 13 empleado di Lite Life Medicab. Lite Life ta un compania cu ta transporta esnan cu no ta mobil pa un of otro malesa ora nan mester bay hospital, dokter, dialyse of IMSAN.

E curso a wordo presenta den 1 grupo di 13 persona y a wordo organisa door di Lite Life Medicab conhuntamente cu B & P Interface Aruba Training and Consultancy.

B & P Interface Training ta un compania cu ya caba pa 30 aña ta presentando curso riba e mercado na Aruba, Corsou y Bonaire.

E exito di e producto di servicio ta crece of cay u e calidad di servicio cu bo empleado nan ta duna. Maneha empleado ta un cuestion di maneho, e frase aki bo por tende ultimamente hopi, como expresion di management. Nan ta muestra riba un vision, cu e recurso humano den un organisacion ta hopi importante. Automaticamente nos por pensa riba curso pa empleado nan.

Nos por haya nos cu e pregunta:

“Kico un empresa mester inverti den calidad di su personal y kico e ta gana cu esaki?” Kico por gana ta: UN BON SERVISIO cu e empresa aki ta duna. Pues e cara di e empresa. Dunando bon servicio ta trece hopi bentaha pa ambos tanto e compania como pa e empleadonan.

Bentananan pa e kompania ta:

- Cu e cliente ta sigui bini bek
- E cliente ta cumpra sigur y porta cu e ta cumpra mas
- E cliente ta bisa otro posibel clientenan, pues e empresa tin un aviso gratis
- E empresa ta haci ganashi, y por ultimo e negoshi ta sigui crece

Pa e empleado tambe tin bentaha, cu ta:

- E empleado tin mas seguridad di trabao
- E tambe tin posibilidad pa crece (personalmente y economicamente)
- E por haya variacion di trabao den e mesun empresa
- E tin posibilidad pa promocion

Gerencia di Lite Life Medicab ta consciente y convenci cu training y curso pa nan empleado ta di suma importancia den e epoca cu nos ta bibando aden. Topico nan cu a wordo trata den e curso aki ta:

- Un “service Workshop” e.o exigencia di e organisacion y punto nan di importancia pa e empleado
- Analisis di aspecto nan importante den dunamento di servicio
- Regla nan pa duna servicio tanto interno como externo
- Comunicacion verbal y no verbal y con ta siña interpreta señal nan no verbal y nan importancia
- Con pa averigua problema
- Con pa duna conseho na cliente
- Con pa atende cu Kehu y con pa duna mal noticia
- Con pa mantene un relacion estrecho cu e cliente pa logra “Repeat Business”

“Upgrading” di un empleado ta un inversion den e mehoracion continuo di bo servicio na clientenan

E empleadonan cu a participa na e curso “Excelencia den servicio a haya nan certificado for di man di director di Lite Life Sr. Alex Kock, y nan ta:

Francisco Fajardo Nuñez, Ronald Oduber, Alfred Laclé, Rigomar Werleman, Dairon Everon, Darrel Agunbero, Joshua Marchena, Shakeem Bernabela, Aldrick Lugo Lanoy, Nathalyean Thomas, Renesh Leonard, Jorginho Angela y Marcelo Junior Croes. Lite Life Medicab hunto cu B & P Interface Training un biaha mas ta extende un caluroso pabien na tur participante y ta desea nan tur clase di exito den nan trabao diario.

Lead2Success ta habri di dos session di introduction pa curso:

2019 Financial Freedom

"Get out of Debt" Step-by-Step Roadmap



DIAHUEBS ultimo Lead2Success a haci introduccion di su curso: "2019 Financial Freedom "Get out of Debt" Step-by-Step Roadmap."

Cantidad di asiento p'e prome session di introduccion a keda completamente registra, den cuadro di esaki a opta pa habri un di dos session dunando esnan cu no a haya oportunidad pa atende un di dos oportunidad pa ainda haci esaki prome cu e lesnan cuminsa.

Atendiendo asina cu e 'falta di educacion financiero' cu hopi ciudadano tin ora ta trata di maneha nan finansa, y mas aun durante un temporada unda hopi ciudadano ta sinti nan reta pa logra cubri tur nan nesesidadnan

basico di manera sano.

Lead2Success ta un organisacion funda pa establece individuonan den e complitud di nan potencial den liderazgo cu ta carga e certificacion di conocido entrenado di liderazgo y orador motivacional, John C. Maxwell.

Teniendo na cuenta, sinembargo cu un bon maneho di finansa t'e base y esencia den liderazgo, Lead2Success a añadi e curriculum di conocido entrenado di finansa, Dave Ramsey nan su portfolio.

Den cuadro di esaki y alinea cu un di e retonan mas grandi di nos ciudadanonan ta enfrenta, Lead2Success a lanza nan prome curso di finansa dirigi pa kibra e ciclo visioso primeramente, cu ta pa 'sali for di debe' y sana e situacion di deficit y interesnan halto di prestamonan cu ciudadanonan ta paga.

Un ciclo visioso cu ta trece un presion financiero enorme den famia, pareha y consecuentemente ta continua pa nan lugar trabou. E problema di 'raporta malo' y keda sin presenta na trabou ta un reto pa hopi compania, como tambe seguro medico ta enfrenta y pa un gran parti esaki ta un resultado di e empleado su situacion y preocupacion financiero.

Problema financiero t'e di dos causa mas grandi di divorcio riba nos isla y for di nos propio encuesta recien haci a bin conclui cu 9 di 10 persona no ta traha cu un presupuesto mensual. Trahando un bon presupuesto mensual ta percura pa un bista concreto riba entrada y salida di nos finansa.

E ta yuda nos alcanza nos metanan, sali for di debe, prepara pa un bon pensioen y te hasta construi un fundeshi financiero pa nos yiunan por continua e construccion financiero pa futuro generacionnan.

E session di introduccion lo tuma lugar den sala di Hope Civic Center – situa riba di dos piso di Wendy's Aruba/Cinnabon pa Playa, dia 21 di februari 2018 cuminsando for di 7:00 te cu pa 8:30 di anochi. Ta rekeri pa registra pa asiento via nan pagina di web www.lead2success.net. Pa mas informacion tambe por tuma contacto via 593-4535.

Graduadonan di Curso “Supervision Profesional Basico”

Presenta pa B&P Interface Training



RECIENTEMENTE un grupo di 9 participante for di e sector priva, a sigui e curso tocante “Supervision Profesional Basico” di B&P/ Interface Training.

E obhetivo di e curso intensivo aki di 6 dia, tabata pa adkiri conocimiento importante di supervision y pa ricibi e herment nan necesario con pa supervisa trabao.

Tambe pa siña con pa fortalece e efectividad di supervision pa asina crea un team cooperativo cu ta produci na trabao.

Topico nan cu a wordo presenta durante e curso aki ta : Inventarisacion y Organizacion, Comunicacion Efectivo, Competencia, Cooperacion y Motivacion, Kico ta

importante na trabou.

E curso tabata intensivo y practico na manera cu ora e cursista yega su trabou e por aplica loke e la siña mes ora.

E cursistanan tin e oportunidad pa continua cu e parti Avansa di e curso aki.

E curso a wordo presenta door di Sra. Drs. Ina Croes, Trainer Certifica den servicio di B&P/ Interface Aruba.

Esnan cu a gradua ta: Gareth Rosa, Jason Martijn, Nixon Castillo, Ximena Ipiales Arias, Giandra Perigault Monte, Mary Grace Munlawin, Luz-Maria Dirksz Osorio Andrew Monte y Jeanine Werleman. Un palabra di felicitacion ta bay na tur e graduadonan.

Badminton Aruba cu otro workshop exitoso



DIASABRA cu a pasa, Badminton Aruba a organisa su di dos workshop di e Olimpiada Escolar. Conhuntamente cu IBISA a ricibi un grupo grandi di hobennan di diferente scol. E directiva di Badminton Aruba a yama bon bini na e hobennan aki y a sigui cu e introduccion na e deporte dinamico di badminton. E workshop a enfoca un bes mas riba tecnica basico pa por practica e deporte y alabes riba e placer di por practica esaki cu hende di tur edad. Otro siman diasabra lo Badminton Aruba sigui cu su workshop, y tur hoben cu kier participa por haci esaki (edad 8-12 aña, 9or pa 10or – edad 12-18 aña 10or pa 11or). Pa mas informacion por yama Terence Sybesma na 5936789.

Empleadonan ta iniciá cu e trayecto di desaroyo di JICN



KRALENDIJK - E team di desaroyo di JICN a iniciá den janüari. Director Wibbo de Vries:”

Mi ta orguyoso cu nos por iniciá di un manera activo cu e team di desaroyo di cua nos mes empleadonan ta forma parti di dje.

Nos kier reforsá nos posicion como dunador di trabou y

mantené un bista critico riba nos organisacion.

Mas importante ta cu nos kier mira nos empleadonan bin trabou cu smak. Segun nos esaki ta mas e caso ora nos duna nos empleadonan e chèn pa duna nan mes aporte n’e organisacion. Hunto cu e team di desaroyo nos ta bay traha duro riba e puntonan di accion cu a stipulá.”

2 Entrada hudisial y 2 detencion relaciona cu benta di number ilegal

KRALENDIJK - Diabièrnè 8 di febrüari a haci dos detencion den dos entrada hudicial den coneccion cu bendemento di number ilegal y labamento di placa. Den oranan tempran di mainta Departamento di Recherche den colaboracion cu Fiscal di Ministerio Público, a ehecutá entradanan hudicial den dos cas situá na Nikiboko y Tera Kòrá.

Durante esaki a confiscá un montante considerabel di placa cash. A detené dos sospechoso den e caso aki. Ta trata di un hòmbler di inicial N.M.E. di 59 aña y un dama di inicial S.T.V. di 53 aña di edad. No ta exluí cu ta bay tin mas detencion den e caso aki.



OM versus Emsley: 0-3!

Tromp a gana 'derby' kontra OM integralmente!!



WILLEMSTAD. Den e avancha di kandelanan di akshon i welga ku tabatin henter siman i partikularmente diabierna ku e problemanan di trahadonan di refinaria a yega na su kulminashon i akshon na un sèt di otro empresanan vital pa nos ekonomia, e notisia ku dr. Emsley Tromp a gana e 'derby' kontra Ministerio Publiko definitivamente.

Nò ku e èks presidente di Banko Sentral di Korsou i Sint Maarten no mester ta atento pa kalke akshon di sorpresa for di e skina di OM manera nan a demostrá di ta kapas di hasi durante e kasi tres aña ku nan tabatin Emsley Tromp den un estado inhumano di pesadiya ku tabata similar na un tortura chino.

Komo medio di komunikashon ku a sigi e kaso aki kasi diariamente di aserka i ta posee hopi detaye dje forma meskinio ku agentenan di RST i fiskalnan ku a bin speshalmente for di Ulanda pa inkriminá Tromp, ohalá ku esaki lo ta final dje kapitulo infame dje novela ku yama Saffier.

Di Saffier e novela no tabatin nada pasobra tabata manera un episodio kaminda hustisia ulandes usando e ala di hustisia lokal a yag sin miseriòrdia riba Tromp, violá privasidat di su residencia, trata su ama de yave inhumanamente sin sikiera laga e bebe un glas di awa durante ocho ora.

Tur den nan afan pa changa Tromp riba un argumento inventá ku a afektá bida di varios profeshonal ku a tribi di presta nan servisio na Tromp.

I tur esaki pa e deseo di influensha i poder di poko politiko di poka monta ku ta obra a base di nan sinbèrgwenseria pa akapará mas tantu plaka i poder posibel riba kustía di otro nan.

Ku aktuando totalmente kontra di étika i dignidat humano a krea e ekskusa pa duné retiro algun ora promé ku e promé wes a deklaré integralmente liber di kualke kulpa pa supuestu iregularidat fiskal.

Anto pa despues ku kara di Farizeo deklará na radio ku e ta amigu di Emsley Tromp.

I ora ku despues atrobe tres wes a deklaré integralmente inosente dje akusashonnan, ainda nan a persisti den nan maldat pa hiba e kaso Korte Supremo na Ulanda ku for di desèmber a manda señal ku mihó nan bisti paña di saku di pita i hunta nan mes ku shinishi i pidi pordon pe akto malvado ku nan a kometé.

KOMPENSASHON

Diabierna Ministerio Publiko a rekonosé abiertamente ku nan a desisti den e kaso di apelashon na Korte Superior i a atmiti nan derota pero esun ku a spera ku nan lo a manda maske ta un palabra di diskulpa pa Tromp pa tur e añanan i goso di bida ku ela pèrdè a sali kiboka.

Bibando praktikamente den eksilio na Merka pasobra ku tantu malisia asina di parti di su enemigunan ku kier a sinta riba su trono, kualke hende lo no tabatin solamente fobia pero por lo menos dos guardaespalda tambe pa libra su mes di mal.

Miones nan a gasta den persekushon di Tromp i a obligá Tromp na su turno pa gasta miones na su defensa.

Awor oloshi di hustisia a bati i a yega momento di kobra kompensashon i NOBO a komprondé ku abogadonan di Tromp ta hole sanger kaba den e nèshi di OM i ta kla pa bula aden.

Esei lo bira un otro kapitulo pero kaminda ku ta Tromp ta hala rosea den nan garganta riba nan lomba.

REAKSHON OFISIAL

E reakshon ofisial di OM riba e desishon na Ulanda ku nan tabatin foi desèmber pero a wanta te ora an a inventá un strategia tabata ku Ministerio Públiko a revoká e petishon pa kasashon den kaso Saffier. Apsolushon di Tromp ta definitivo

Diabierna 8 di febrüari Ministerio Públiko (OM) a revoká e petishon pa kasashon den e kaso Saffier kontra di (Dr.) M.E. Tromp.

Di e manera aki, apsolushon di Tromp pa tur kulpa a bira definitivo ku e veredikto di 13 di desember 2018 dor di korte di apelashon,

Na komienso di 2016 a kuminsa un investigashon di posibel hechonan kastigabel kometé dor di e direktor dje tempu ei di Banko Sentral di Korsou i Sint Maarten (CBCS).

Despues di a terminá e promé parti di e investigashon, a dagfar Tromp den 2017 pa froude di impuesto kometé den esfera privá.

Na november 2017 korte a apsolvé.

OM a bai den apelashon.

E korte aki tambe a apsolvé Tromp.

OM a hasi un petishon na Korte Supremo pero e maksimo instansha a deklará ku e kaso no ta apto pa nan trata pasobra e no tin mérito.

OM a kamuflá e motibu dikon a rechasá nan petishon pero na final di cuenta Korte Superior a kastigá nan pa un mal trabou i pa kolmo inhumano.

Dos aña i mei den un pesadiya? A ni bo pió enemigu.....

Caso contra ex Presidente di Banco Central di Coursou y St. Maarten den Corte di Casacion revoca



WILLEMSTAD – Ministerio Publico di Coursou y St Maarten diabierna ultimo a dicidi di revoca e caso den Corte di Casacion contra ex Presidente di Banco Central di Coursou y St Maarten, sr. Emsley Tromp. Cu esaki, Emsley Tromp ta keda completamente liber di

tur acusacion y ta nifica tambe fin di e caso. Pero kico lo sosode awor? E lo wordo rehabilita como Presidente di Banco Central di Coursou y St. Maarten? Esey sigur lo no bira e caso, pero Gobierno lo tin cu paga un balente placa na daño y perhuicio.

E caso den Corte di Casacion a keda entrega dia 20 di december 2018, pa bringa e apelacion di e sentencia cu Tromp a gana anteriormente den e caso Saffir.

E caso ta trata supuesto irregularidad di Tromp pa cu su declaracion di impuesto. Tanto den Corte di Prome Instancia como di Apelacion, Emsley Tromp a sali victorioso, y awor cu e revocacion di Corte di Casacion, e caso ta uno definitivamente cera.

Refineria di Korsou lo papia ku mas kandidato pa operá refineria

WILEMSTAD. Na mes momentu RdK lo no des-kartá i lo sondia tambe kandidatonan ku anteriormente tabata den e proseso i otro nan ku despues ku e proseso a sera a musta interes.

Hunta di Komisario a duna instrukshon na Gerensia di RdK pa tin klaridat riba término korto tokante di e posibilidat pa yega na un akuerdo di entendimentu i seguidamente sigui pa negoshashon i finalisashon di proseso pa yega na un partner stratégiko na un forma eksitoso.

Pa RdK ta di sumo importansia pa hinka mas aun tur esfuerso i atenshon pa yega na akuerdonan inisial pa asina por sigui negoshá rumbo pa yega na e partner stratégiko ku lo mester enkargá su mes ku nos refineria despues ku e kontrakt aktual finalisá.



E mandato di gobièrnu pa mantené nos refineria habrí, pèrkurá pa su kontinuidat i garantisá kuponan di trabou ta keda komo e puntonan prinsipal den esaki.

Ainda polis no a haña ladronnan ku a plunder Boolchand's Zeelandia



WILLEMSTAD. Despues di un kiebrot dia 26 di dèsember 2018 na Boolchand's Zeelandia kaminda mas o menos 750.000 florin na merkansia a wòrdu hortá, a kuminsa un investigashon.

A detené 13 sospechoso kaba relashoná ku e investigashon aki i tur a keda presentá dilanti wes komisario. T sospechá ku e personanan aki a kumpra of bende un of mas di e telefòn nan ku a wòrdu hortá na Boolchand's. Ta trata aki di telefonnan karu manera e modèlnan mas nobo di iPhone i Samsung. E ladronnan mes te ainda no a wòrdu lokalísá.

Tantu Ministerio Públiko komo Polis ta di opinion ku ta importante pa atende ku e kumpradó i bendedó nan tambe. Si no tin kumpradó, tampoko tin hortadó.

Hecho ku por bende e artikulonnan luho aki riba kaya, ta hasi lukrativo pa komete e tipo di kiebrot nan aki. Indirektamente, e bendedónan tambe ta hasi nan mes komplise na e kiebrot.

Formalmente nan lo keda persigui pa kompra i benta di artikulo hortá. E kastigu pa esaki ta varia di un kastigu di tare ate ku un paar di luna kastigu di prizon. Esaki ta un atvertensia pa tur hende ku kumpra un telefon riba kaya.

No kumpra telefon nobo riba kaya, pero semper den un negoshi ku bo por hanja un resibu i garantia. Tene kuido ora kumpra telefon segunda mano via medionan sosial. Komo kumpradó bo tin e obligashon di chèck ku ta kos hortá bo ta kumpra.

Hasi preguntanan kritiko na e bendedó. Pidi un resibu i perkurá ku bo por lokalísá e bendedó si akaso tin kualkier problema.

Check delantá kiko ta un prijs realistiko (prijs di merkadu) pa e produkto; no kai den tentashon pa kumpra produktonan demasiado barata. Si ta demasiado bon pa ta berdat, probablemente no ta berdat. No kumpra. Korda semper: sin kumpradó no tin hortadó.

No stimulá ladronisia! Mientrastantu, investigashon di e kumpradó i hortadónan ta sigui.

Basá riba lei di Bon Maneho gobiernu a distansia di RdK

WILLEMSTAD. Basá riba lei di Bon Maneho (Good Governance), mester krea un separashon di tarea den e diferente órganonan, pa asina hiba un maneho bon i responsabel.

E lei aki ta unu ku a keda ratifiká den Konseho Insular i despues konsolidá komo lei, ora Kòrsou a bira un pais outónomo den Reino.

Bon gobernashon ta nifiká ku Gobièrnu, komo insti-

tuto, ta distanshá su mes for di e maneho diario di un kompania di Gobièrnu, kontrali na loke esaki tabata den pasado na Konseho Insular.

Promé Minister Eugene Rhuggenaath, komo Minister Presidente i mandatario responsabel pa RdK, a instruí Gerensia di RdK pa enkaminá di forma aselerá, e proseso di buska un operador, pa garantisá kontinuashon di e refinaria, dor di tene e kanalnan di komunikashon habrí pa tur kompania ku a ekspresá interes.

Pa Gobièrnu, e meta prinsipal awor aki ta pa yega mas pronto posibel na un klaridat tokante di un operador nobo i asina garantisá kuponan di trabou na refinaria i entrada pa kasnan di famia aworaki i den futuro serkano.

Manera Ponsio i Pilatus

Gobièrnu ta laba man i horka Chonky ku desishon riba Christiaan

WILLEMSTAD – E desishon pa kambia hendenan den e sekshon di PMO di Refineria di Kòrsou, no ta un desishon di Gobièrnu di Kòrsou, pero di Refineria di Kòrsou (RdK).

Di akuerdo ku un komunikado di gobièrnu, Gerensia di Refineria di Kòrsou, ku e kompromiso pa sigui riba e trayekto pa haña un operador pa nos refineria, a opta pa reorganisá struktura di e tim (PMO) ku ta negoshá ku e diferente interesadonan i reforsá esaki ku liderasgo di tres persona, enkabesá pa direktor di RdK, sr. 'Chonky' de Lannoy.

Gobièrnu a sigi bisa ku Sr. Clift Cristiaan, ku tabata na kabes di PMO, ta keda den su ròl di consehero den tur aspekto ku RdK mester di dje.

(Esei gobièrnu a pensa: sindikatonan na refineria diabierna nochi a notifika Chonky Delannooy ku bou di

ningun sirkunstansia nan no ke mira Clift Christiaan den RdK sino awa lo tin akshon atrobe).

Si mester di servisionan di Sr. Errol Cova, lo hasi uso di su ekspertisio ora ta nesesario, prinsipalmente riba temanan laboral.

Seguidamente gobièrnu a duna un splikashon ku tur hende sa pa dos dékada kaba esta ku PDVSA a hür e instalashonnan di rafinahe pa un tèrmino di 20 aña serka RdK, kual kontrakt ta bin terminá na fin di e aña koriente.

RdK ta manehá e propiedat di e refineria i otro patrimonioan manera Bullenbaai, pero no tin relashon di trabou ku trahadónan di Isla.

Refineria di Kòrsou, ta un di e kompanianan di Gobièrnu, tin su mes kuerpo di maneho i su mes gerente.

Parlamentario ta puntra:

Kon a para ku órganu i plan di akshon kontra korupshon?

WILLEMSTAD. E parlamentario obispo di frakshon di PAR a manda e siguiente kara pa minister Konkret riba status di plan di akshon 2019.

E Akuerdo di Gobernashon 2017-2021 “Realizando e Máximo potensial di Kòrsou” ta indiká ku mester fortifiká e órganonan di kontròl i kombatí korupshon, Tambe lanta un unidat kontra korupshon, un instansia independiente responsabel pa prevení /investigá korupshon i tambe por hasi investigashon riba petishon di tur organisashon i/òf tur persona konserniente.

Minister a indiká por eskrito den e karta di 5 desèmber 2018 numerá 2018/ 054655 kual ta e plan di akshon 2019 “Bureau Integriteit” kual ta konsistí di entre otro di:

- (1) un konsepto di lei, e “Ontwerp Landsverordening Bureau Integriteit”,
- (2) rekluta un direktor den fase di preparashon i

- (3) un plan di formashon i presupuesto.

A base di su plan di trabou di kontròl parlamentario ela aserká e minister pa puntra si Raad van Advies a risibí dia 9 novèmber 2018 e “Ontwerp Landsverordening Bureau Integriteit”. Raad van Advies a retorná esaki bek dia 21 novèmber 2018.

E ta referí na athuntu

1. Preguntanan na Minister: (a) Dikon Raad van Advies a retorná esaki? Kiko tabata e motibunan? Kua ta e planifikashon pa Parlamento di Kòrsou risibí e “Ontwerp Landsverordening Bureau Integriteit” pa tratamentu den aña 2019?.

(2) Kiko ta e status pa loke ta rekluta un direktor den e fase di preparashon di Bureau Integriteit?

I (3) Kiko ta e status pa loke ta e plan di formashon i e presupuesto 2019 di Bureau Integriteit?

Royal Aurora

Funeral Home & Crematory

Tur cos aki na mundo tin su ora y su tempo,
Ora pa nace y ora pa muri, ora pa yora y ora pa hari,
Ora pa keda keto y ora pa papia, ora pa stima y ora pa
odia, Ora pa guerra y ora pa paz"
Predicador 3:1, 2, 4, 7, 8

Cu inmenso dolor den nos curazon pero conforme cu
boluntad di Dios y agradecido pa loke el a haci y nifica
pa nos, nos ta participa fayecimento di nos difunto
stima:

Casper Damasco Everon

Mihor conoci como
"Dan" of "Danchi"

*12-04-1952 - †07-02-2019

Na number di su:

Yiunan:

Ivan y Audrey Everon y famia
Ryan Everon y Janella Leon y famia
Casper Everon y Kimberley Victoria y famia

Nieto (a)nan:

Ivander Everon y Yasha Werleman y famia
Ivandra Everon
Anaïs Angela
Jayron, Jayzon, Jayxon, Jayrick, Jaydrick,
Jayrienne y Jayden Everon
Jah-Ziön Everon

Bisanieto: Yahrose Everon

Rumannan: Dora Everon

Mario y Miriam Everon y famia
Lucia Everon y famia

Swa y cuñanan: Cecilia Everon-Koolman y famia

Maria Everon-Simileer y famia
Rita Arends y Agrepino Maduro y famia
Alfonso y Amancia Arends y famia
†Filomena y Frans Solognier y famia
Irena y Carlito Wernet y famia
Robert Arends y yiu
Mirtha y Miguel Noguera y famia
Gladys Arends y yunan
Vivian y Miguel v/d Linde y famia
Lourdes Arends y yunan
Alehandra Wernet y yunan

Mescos su ruman: Cheban Rafini

Bon bisinanan: Jeanette Kaersenhout y famia
Maria Geerman y famia

Ihanan, sobrino y sobrinanan, primo y primanan
Famianan: Everon, Dirks, Arends, Henriquez, Leon,
Victoria, Angela, Koolman, Simileer, Webb, v/der Werf,
Maduro, Paskel, Wernet, Solognier, v/d Linde, Noguera,
Franken, Fluonia, Colina, de Cuba, Chung, Rafini,
Wever, Winterdaal, Kaersenhout, Geerman, Werleman,
Tromp

Ta invita pa e acto di condolencia y entierro cu lo tuma
lugar diahuebs 14 di februari 2019 di 2'or pa 4'or di
atardi na Misa Inmaculada Concepcion na Sta Cruz,
despues lo sali pa Santana Central na Sabana Basora.

Nos disculpa si den nos tristeza nos por a lubida un of
otro famia.



Royal Aurora

Funeral Home & Crematory

"Dios ta amor y amor ta Dios, maske mi no ta na e
mundo aki, tur dia lo mi ta banda di boso curazon, mi
por steuns di loke Señor ta hasi"

A bai drumi den brasa di Señor mi esposo, nos Daddy,
welo, ruman y omo stima

Ignacio Isidor Tromp

Mihor conoci como:

"Nacho" ex trahador di DOW

* 1 februari 1942

† 6 februari 2019

Na number di su estimada esposa:
Maria (Miriam) Tromp-Wernet

Yiunan stima:

Antoine (Junior) y Elma Tromp -
Gomes Jardin y famia na Hulanda
Dyon y Johna Tromp-Maduro y famia na Hulanda
Mirienne Tromp

Nieto y nietanan:

Ramiy y Kimberly Tromp
Xavier, Jorja y Sergio Tromp

Rumanan:

Alberto y Elizabeth Tromp y famia
Simon y Luisa Tromp y famia
Andres y Maya Tromp y famia na Corsow

Swa y cuñanan:

Oscar y Greta Wernet y famia
Lucia Tromp-Wernet y famia
Gumbersindo Dirks y famia

Rosenda Wernet-Croes y famia

Manera yuinan:

Greggy, Edson y Michel Wernet y famia

Bon bisinanan:

Mayela Werleman
Rudy Dirks y famia

Sobrino y sobrinanan, primo y primanan, tur su
compañeronan y verpleegster nan di Maris Stella cu a
cuide hopi bon y cu hopi cariño.

Demas famia Tromp, Wernet, Maduro, Gomes Jardin,
v/d Linden, Croes, Dirks y Werleman.

Ta keda invita pa acto di entierro cu lo tuma lugar
diaranzon 13 februari 2019, di 2or pa 4 or di atardi na
misa Inmaculada Concepcion y despues pa santana
Catolico na Santa Cruz.

Ocasion pa condolencia: Diamars anochi 12 februari na
Royal Funeral Home di 7 or pa 9or.

Enbes di krans of flor famia ta prefera pa hasi un
donacion pa Huize Maris Stella. Lo tin un box disponi-
bel pa e bon causa aki.

Nos ta pidi disculpa si den nos tristeza nos por a lubida
cualquier familiar of conoçir.

Nos ta lamenta cu despues di entierro no ta ricibi bishita
di condolencia na cas.



Royal Aurora

Funeral Home & Crematory

Mi ta warda, warda so riba Señor,
Mi tin fe den su palabra.
Salmo 130:5

A bai sosega inesperadamente:



Sr. Mario Loefstop

Mihor conoci como "Mai" of "Mo Mai"

*20-05-1938 - †07-02-2019

Na number di su :

Rumannan:

Vda. Theresita Fingal-Loefstop
Frans y Vivian Loefstop-Lampe
Angelina "Nini" Loefstop
Eusebio "Chebito" y Margo Loefstop-Geerman
Greta y Juan Quant-Loefstop

Sobrino- y sobrinanan:

Michael Boekhoudt
Maikel y Vanessa Fingal y famia
Sharleen y Jose Kock-Fingal y famia
Gregory Loefstop y famia
Edgar Loefstop
Eugene y Solange Loefstop Eleonora y yunan
Lissette y Alexander Maduro Quant y yunan
Gisette "Gigi" Quant y yiu

Mescos cu sobrino(a):

Roxianne y Randall Maduro
Cindy y Chayne Duchesne-Loefstop y yunan
Sean Loefstop
Lizianne y Alexander Jr. Maduro
Xixi Quant

Sobresobrino- y sobresobrinanan, primo- y primanan,
bisiñanan y conoçirnan.

Famia: Loefstop, Boekhoudt, Fingal, Lampe, Geerman,
Quant, Kock, Maduro, Eleonora, Duchesne y demas
famia.

Ta invita pa acto di condolencia y despedida cual lo
tuma lugar na Aurora Funeral Home dialuna 11 di
februari 2019 di 9'or pa 11'or di mainta.

Cremacion lo tuma lugar despues den ceno familiar.

Disculpa nos si den nos tristesa nos por a lubida algun
famia of conoçir.

Despues di despedida nos no ta ricibi bishita di
condolencia na cas.

AWEMainta
e corant di Toko
Tel: 583-1400 Fax: 583-1444



Señor ta mi wardador, mi'n tin falta di nada;
Den cunucu di yerba verde E ta pone mi sosega.
E ta hiba mi na awa tranquil, pa mi bolbe haya forsa.
Salmo 23: 1, 2, 3

Cu inmenso tristesa den nos curason pero agradecido
pa tur loke nos a comparti cune, nos ta anuncia
fayecimento di:



Rosalia Wever

*03-09-1932 - †08-02-2019

Acto di entiero lo wordo anuncia despues.

Rest In Peace



"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por steuns di loke Señor ta hasi"

Cu tristeza na nos curason nos
ta anuncia fayecimento di:



Sr. Sergio Godfried Maduro

“John”

*23-12-1962 - †08-02-2019

Acto di entiero lo wordo anuncia despues

A fayece inesperadamente
yui, ruman, omo, primo y welo

Alvarest (Vale) Thiel

=*19-02-1952 - +07-02-2019



Na number di su:

Mama: Eulogia Thiel- van der Biezen
Tata:+Egidio Thiel

Na number di su ruman nan:

+Simon Vrolijk y familia
Alida Thiel y familia
Mario Thiel

Angela Thiel-Geerman y Eddy Geerman
Margaretha Thiel y familia na hulanda
Mariano Thiel y familia
Nora Dirks Thiel y Juan Dirks

Omo y Tanta nan:

+Petra Croes y familia
+Julian van der Biezen y familia
Eulonora Tromp- van der Biezen y familia
+Linda van der Biezen y familia
Adela van der Biezen
+Rosimbo van der Biezen y familia
+Teresita van der Biezen
+Luciana van der Biezen
+Juansito van der Biezen y familia
Maria van der Biezen -Geerman y familia
+Mario Webb y familia
+Martha van der Biezen
+Alejandro der Biezen y familia
+Donicio van der Biezen y familia
Benito van der Biezen y familia
Benedito van der Biezeny familia
+Victor van der Biezen y familia
Marcelo van der Biezen y familia
Juliana van der Biezen y familia na hulanda
Brigido van der Biezen y familia
+Luciano van der Biezen
Juan van der Biezen y familia
Florentin van der Biezen y familia na hulanda
Porfirio van der Biezen y familia

Y tur su sobrino y sobrina nan na Aruba y Hulanda, primo y prima nan na Aruba y Hulanda, su nieto y nietanan y tur su conocirnan como ex empleado di Las Esperanza, Astec, Consales y demas famia: Thiel, van der Biezen, Vrolijk, Wolff, Geerman, Peasch, Maduro, Dirks, Werleman, Croes, Tromp, Willems, Richardson, Nava, Webb, Koolman, Adamus, Lacle, Charles, Diaz, Henriquez, Kelly, Kwatz, Wernet, Wester, La Rosa, Donata, Strijfhachtig, Quandt, Kock, Harkeliijn, Winterdaal y Rosina. Conocir di cas Ita y Matty Singh.

Nos ta pidi Disculpa si den nos dolor y tristeza nos por a lubida di menciona algun familiar.

Acto di condolencia lo tuma lugar: Dialuna 11 di Februari 2019 di 7or pa 9or di anochi na Aurora Funeral Home.

Acto di despedida lo tuma lugar: Dialuna 12 di Februari 2019 di 2or pa 4or di atardi na Capilla Santa Familia na Poschiquito y despues e defunto lo reposa na Santa Central na Sabana Basora. Despues di entierro nos no por reci bi bishita di condolencia na cas.

Santo sacrificio di Misa lo tuma lugar ariba diahuebs anochi 14 di februari na Misa di Savaneta di 7or pa 8or, diasabra anochi 16 di februari na Misa di Savaneta di 7or pa 8or y e ultimo Santo Sacrificio lo ta diadomingo mainta na Capilla Santa Familia di 8or pa 9or y anochi ultimo rosario.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL